

## YÜGA NGÜ 67

1. Gbu yi ka Gethsemane, fu Yesu ta atona akugba baka ta te engu efi nga ngu ne, Yesu efi ta ngu teka ne?  
-Tengu awu ta kpo ga mbusa te di engegira ni ne fa wu mbusa te wu kpara emaka ne ‘buru ne.
2. Kpara ta te ekoro te bi wu kpara de wu aguruma de wu ru azoro Yesu ne de da?  
-Ade Yuda.
3. Kpara ta te enu de Yuda teka azoro Yesu ne ta de da?  
-Ade Satana.
4. Gara kpara te Satana emala ngu fefe ta nede da.  
-Wu kpara ‘buru te wu le ga Yesu de muru kuwa de ne Satana emala ta ngu fu uwu kpa maye.
5. Wu matima ka Yesu kpe ta ‘buru ne ka ne?  
-Wu kpe ta curu tengu wuh wu si ngu te wuh azoro Yesu tete ne de.
6. E ta te wu matima wu de ne neh?  
-Wu matima wu ta ga Yesu ena amgbu muru kuwa ne baye te wu zoro engu eyi amoro la.
7. Wu kpara ta te wuh zoro Yesu ne wu nu ta de engu ne kaye?  
-Wu komoko la nu ta de Yesu fu wu cogboro wu Pastor.
8. Wu cogboro wu kpara ka Yuda wu ta sitingu te Yesu ta de ne ka neh?  
-Ka ete Yesu mere ta sitingu ndaye de ne.  
-Ka eta te Yesu duru nda de ne.
9. Ta te wu cogboro wu Pastor yi ta ta Yesu te engu de Christo, ye me ya ne, Yeu mala lugu ta ga neh?  
-Yesu mala ta ga, “ma de engu yi na acika ye komoko te mgbu ede mere kpara te ena akoro agbu burungu agbu kpi.
10. Wu cogboro wu Pastor mala ta ga wuh moro Yesu ne te ngu neh?

-Wu cogboro wu Pastor la mala ta ga Yesu siti komu ye eyi te me.

11. Yesu siti ta komu ye eyi fu me?

-Abala de.

-Fu tanga ta te wu cogboro wu Pastoro ka wu Yuda mala ta eyi ga wu moro Yesu ne, fu uwu ta anu de engu fu Pilate.

Ni Tanga La Marko 15:1

1-Gugu kpuru tatokpi fu wu mere wu Pastor de wu cogboro wu kpara, de wsu muru gu tamu ngu de wu Sanhendrin ta a koro de finga ngu ga. Fu uwu ta a i Yesu anu de engu fu Pilate.

-Pilate ta ne de da?

-Pilate ta de miri ka Judea te Caesar siya ta engu ne, miri ka Roman.

-Wu Yuda ele ta le ngu ka Pilate teka de wu moro Yesu.

-Te wuh koro ta de Yesu fu Pilate ne fa ta ayi ta ngu te Yesu.

Ni Tanga la Marko 15:2

2-Fu Pilate ta ayi tata ga, “mude miri ka wu Yuda?” fu Yesu amala lugu ga “weyi abaka te mu mala la,”

-Yesu mala ta a ni de miri ka wu Yuda ne tengu neh?

-Ka ete Yesu ta de kundu ye miri David ne.

Ni Tanga La Marko 15:3-5

3-Mere wu Pastor la su ta wu tete teka wu bi wu e.

4-Fu Pilate ta kpa a yitata ga, “muza amala lugu de? Mu cika la wu bi wu ngu te wuh mala ekute mu ne.”

5-Yesu mala lugu ta ngu fi bu de ne, fu curu ta amere Pilate.

-Baka ta te wu kpara su wu te Yesu ne, Yesu nga ta bu anga ale amala ngu de.

-Bu baka ta te me mala gugu etu wu Nebi ga muru kuwa nea anga kaye bu anga te wu mala wu wu ekute la ne.

-Agbu ra ka karama ka gurusu fu ne, Pilate mgbu ta a ce kpara birimgbo tet wuh zoro engu fu wu Yuda.

-Fu Pilate ta ayi ta wu Yuda te wuh le de ne ci Yesu la.

#### Ni Tanga La Marko 15:6-11

6-Ata eyi bala ga gbu ra ka karama ka guru su fu la wu ce ta kpara te wu kpara ena amala ngungu la.

7-Komoko ta de iri ye Barabbas ta twu zoro engu ka eta te engu moro kara ne.

8-Fu wu kpara ta akoro fu Pilate de engu mere ngu ta amgbu amere ne fu uwu.

9-“yi le de ma kusa miri ka wu Yuda ne fu yi?” Pilate yi ta ta uwu bala.

10-De engu wu ta kpo ga wu mere wu Pastor koro ta de Yesu ne ka wu ngu ta te engu emeru ne.

11-Fu wu mere Pastor ne ta amala fu wu kpara ga wu kusa Barabbas.

-Pilate wu ta kpo ga Yesu mere siti ngu nda de.

-Pilate wu ta kpo ga wu mere Pastor koro ta de Yesu ne ka wu ngu ta te engu emre ne.

-Pilate fi ndaye ta ga wu Yuda ena amala ga wu kusa Yesu.

-Wu mere Pastor ne le ka uwu ta de wu kusa Barabbas, kpara te moro kpara ace Yesu.

-Fu Pilate ta ayi ta wu Yuda.

#### Ni Tanga La Marko 15:12-14

12-“Ma amere de komoko te yi i ga miri ka wu Yuda ne neh?” Fu Pilate ta ayi ta uwu bala.

13-“Mu bere engu!” Fu uwu ta a mi komu wu bala.

14-“Tengu ne? Siti ngu te engu mere ne neh?” Fu Pilate ayi ta uwu. Fu uwu ta a bu komu wuh kpatikpi, “mu bere engu!”

-Baka ta te Yesu mere siti ngu de ne, wu kpara le ta bu de wu bere engu.

-Bu baka ta te me mala etu wu Nebi gugu ga wu kpara ena ale murukuwa ta de bu kukuru.

-Bi wu kpara le ta teka a bere Yesu.

-Pere kpara ne neh?

-Ata a bere lo kpara de kpakpa na te ru gbe gbe te, ace engu kpala de akpi.

-Ma bere kpara ta de siti kaje ka ma moro kpara ta te wu Roman emoro wu kpara te wuh mere siti ngu di ne.

-Fu Pilate ta amala ga wu ni Yesu.

#### Ni Tanga La Marko 15:15

15-Teka de su reke te wu kpara la fa ta akusa Barabbas fu uwu. Fa amala ta ga wuh mi engu fa a to engu de wu bere engu.

-Te wu Roman emi ta wu kpara ne, wu mi ta de juru te di de wu njoye gbe ne de wu ma dere se de wu biki te wu i te kokomu.

-Tw uw Roman emi ta wu kpara la, kere uwu ekoro ta 'buru de ka baka kpara eza akpi la.

-Fu tanga ta te wu mi Yesu eyi ne, fu wu fu wu bazengere ta amgbu amu engu.

#### Ni Tanga La Marko 15:16-20

16-Fu wu bazengere la ta nu de Yesu agba miri fu uwu a i wu bazengere 'buru.

17-Fu uwu a o diki banga fefe, fu uwu ta areke ti a o gbu njonjo na.

18-Fu uwu atona ai engu ga, "terimbi miri ka wu Yuda!"

19-Fu uwu ta a du engu de mgbamgba fu njonjo. Fu uwu ati fu njukuta wu de anga'ba te uwu fefe.

20-Fu tanga ta te wu mu engu eyi ne, fu uwu ta aza diki bongo la tete asidi a o ndaka. Fu uwu ta anu de engu taka abere.

-Fu wu bazengere la ta asu ngusu fu Yesu.

-Bu baka ta te me mala fu wu Nebi gugu ga wu na a mi muru kuwa fu uwu a su ngu su fefe ne.

-Ka eta te wu kpara ekpe curu wu miri de ati fu njukuta wu fefe ne, wu mu ta Yesu de ati fu njukuta wu fefe.

-Ka eta te wu miri eto diki bongo ne, wu bazengere emu ta Yesu de ato diki bongo tete.

-Ka eta te wu miri e o e gbu njo wu ne, wu bazengere la emu ta Yesu de a o ti gbu njonjo na.

-Bu baka ta te me mala gugu etu wu Nebi ga wu ena amu ta muru kuwa ne.

-Te te wu o gbu njo nwu miri la agu ta ne tamu ngu neh?

-E te wu o gbu njo wu miri la egu ta tamu matiwa ka me.

-Te wu Adam ake Eva duru ta ne, fu me ta a mala ga ti ena ta aga.

-Te wu bazengere la a o ta ti fu Yesu la agu ta la tamu ngu neh?

-gbugbu ga Yesu ena abi ta matiwa ka me.

#### Ni Tanga La Marko 15:21-22

21-Gara komoko agbu Cyrene, Simon, woye wu Alexander ake Rutu te koro ta gbu to la de anu kaye tekaje fu uwu ta ao engu de abi ru gbegbe te la.

22-Fu uwu ta akoro de Yesu agbu Golgotha (De gbu gbu ga su ka bikine).

-Fu wu bazengere la ta aza Yesu ami de engu agbu Golgotha teka abere engu gbu Yerosalema asiti.

-Fu de la fu wu bazengere la ta ao ru gbegete la koto, fu uwu ta ao Yesu fu ru gbegete la.

-Fu wu Bazengere la ta abere wu kpa Yesu to kpatikpi fu uwuabere lolo to koto fu ru ma'da la de mere musmari.

-Amere bu baka ta te me mala fu wu Nebi gugu ga wu na abere lo muru kuwa de wu kpata ne.

-Ta te wu bazengere la bere nja eyi ne, fu uwu ta a bi ru la de Yesu teye kpatikpi.

-Mu wu ngu ta te Yesu mala fu Bartimaeus ne eyi?

-Yesu mala ta ga, bu baka ta te Moses bi kuru kpuru la fu ru dewu kpara kuwa ne, wu na wu na abi muru kuwa ta kpa bla de wu kpara kuwa.

#### Ni Tanga la Marko 15:23-24

23-Fu uwu ta ato fi fefe engu te ndaye ta a njo de.

24-Fu uwu ta a bere engu, Fu uwu asoro bongo kaka etu uwu de a mi gumari teka de wu wu kpara te ena aza ne.

-Gara wu werese to ta fi de a kuru wazu kekt la ne, Yesu le ndaye ta a njo de.

-Wu bazengere ta te wu bere Yesu te ru gbegete te ne su ta gumari teka a soro bongo ka ka la ezimgba uwu.

-Amere bu baka ta te me mala fu wu Nebi gugu ga wuh ena aso gumari teka bongo ka Yesu ne.

#### Ni Tanga La Marko 15:25-27

25-Wu bere ta Yesu ne te lo ra bata.

26-Ngu ta te wu ba ao fefe wu tanga ga MIRI KA WU YUDA.

27-Wuh bere ta uwu de wu muru zi 'bosu gara fu gara kpaka gara gbu kemi su.

-wu bere ta uwu de gara wu komoko 'bosu gara fu kemisu ga fu kpakpa te ezu edi.

-Wu ta de wu siti wu kpara.

-Amere bu baka ta te me mala etu wu Nebi gugu ga muru kuwa ena akpi de wu siti kpara ne.

### Ni Tanga La Marko 15:29-32

29-Wu kpara ta te wu guru su ede uwu esoko ta engu, de ayiki njowu ga "Dem! Tw mu za ta a kuru kambu ka me fu mu areke agbu sikpi bata ne.

30-Mu koro kötö de mu kuwa temu!

31-Wu mere Pastor de wu muru gu tomu ngu emu ta engu kpa bala ezingba ewu. "A kuwa ta wu buyi," fu uwu amala ga, "Ati akuwa teye de!

32-Christo la, miri ka wu Israel la, koro koto cici ne, de ni cika fini a le." Uwu ta te wu bere uwu de uwu la mgbu ta kpa a soko engu.

-Yesu mala ta ga te wu Yuda kuru ta kambu ka me lane, Yesu ena areke ta agbu sikpi bata.

-Yesu emala ngu la ta teka kambu teme tate wu Yuda fa agbu Yeruselema ne?

-Abala de.

-Yesu emala ta ngu ne teka kambu kame de yi?

-Yesu emala ta ngu teka kute ye.

-Yesu emala ta ga te wu Yuda moro ni de abere ni la, ni na azuku ta fu tanga sikpi bata.

### Ni Tanga La Marko 15:33

33-Gbu lo ra ka ma'diya fu biti ta a ti ye fu koto la 'buru gi gbu lo ra ka lorozi.

-Biti te ta fu koto la 'buru ka lora bata ne ka neh?

-Biti la te ti ka lora bata ne ta de gbu ye.

-Gbu bita ta te ti ka lora bata la ta ga neh?

-Me de wo ece ta Yesu fu ru gbegbe te.

### Ni Tanga La Marko 15:34

34-Gbu lo ra ka ‘bazina fu Yesu ta a kugba de riye kpatikpi ga, “Eloi, Eloi, lama sabachthani?” Gbugbu ga, “me kara , me kara, mu ce ra teka neh?”

-Te me de wo ce ta Yesu fu ru gbegbete ne, fu engu ta akugba.

-Me de wo ce ta Yesu tengu neh?

-Yesu mere ta siti ngu eyi?

-Abala de.

-Enga me de wo e ta engu te ngu neh?

-Me embusa ta yesu teka wu sitingu ka meu, ka ra de nda wu kpara ‘buru.

-Ka eta te me de wo embusa Yesu teka wu sitingu kani ne, fu engu ta ace Yesu fu ru gbegbete.

-Gbu ye ka Eden, e ta te me mala ga ana amere te wu Adam ake Eva zu ri ru la eyi la ne neh?

-Ga wu na akpi.

-Ka eta te wu Adam ake Eva duru ne, fu uwu ta akpi de aƴi zimgba uwu de me.

-Cici ne me fi zimgba ye ayi de Yesu.



## Ni Tanga La Marko 15:35-36

35-Te wu kpara ta te uwu ru gba meri je la ne fu uwu amala ga, “yi je la ate i Elijah.”

36-Fu gara komoko ta akpe akoro de fi agbu malaga, ao fu ru fa ato de Yesu njo. “Mu ce engu. Ni cika la te Elijah ena akoro teka a za engu koto la ya”, fu uwu ta amala bala.

-Wu kpara ta te wu cika Yesu de akpi ne fi nda uwu ta ga a i Elijah.

-Yesu ci ta la Elijah nda de.

-Yesu e ku ta gba fu me de wo.

-Yesu e ku ta gba fu me de wo teka neh?

-Ka eta te me ce Yesu ne, dela ta siti mbusa.

-Wu me de wo ake Yesu mgbu ta de wu re fe?

-Fi bedi.

-Lora ta la te wu Yesu ake me de wo ne di ta tete birimgbo de?

-Abala de.

-Ka eta te dela gina ra ta te wu Yesu ce te wu ake me de wo ne, fu Yesu ta akugba.

-Te Me de wo ce kpara la da siti ngu fukoto.

## Ni Tanga La Marko 15:37

37-Yesu ku ta adu gba kaye, fa ta akpi.

-Yesu kpi ta fu ru gbegete.

-Fu tanga ta le Yesu kpi ne eta te mere esambu ka me ne neh?

Ni Tanga La Marko 15:38

38-Bongo ta te di esambu ka me ne sorota gbuye 'bosu.

-Bongo ta te di esambu ka me ne neh?

-Bongo la mgbu ta etu wu kambu de 'bosu esambu ka me ne.

-Bongo la ni ta zingba njila njila su ka njila su.

-Bongo la egu ta ne tamu ngu neh?

-Bongo la mgbu ta baka zingba wu mundu ake me.

-Wu mundu de me ta birimgbo de ne ka neh?

-Ka wu sitingu keni.

-Ka wu sitingu keni ni ta birimgbo de me de, de bala ne kpara ti ta ari gbu su te di njila njila ne de bu wu mere wu Pastor du birimgbo agbu re.

-Kpara ta te soro bongo la 'bosu ta ne de da?

-Ade me.

-Me soro ta gbu bongo la 'bosu ne tengu neh?

-Me soro ta tu bongo la 'bosu te de wuh wu ga e te ni tu mundu ake me sene eyi ma.

Ni Tanga La Marko 15:39

39-Te mere wu bazengere ta te engu ru engegira Yesu ne je gba la de acika engu de akpi en fa amala ga, “fanu komoko ne ta de ye me!”

-Ta te mere wu bazengere tiki ‘buruve ne ceka ta Yesu de akpi ne, fu engyu ta awu ga fanu Yesu ta de me muru kuwa.

#### Ni Tanga La Marko 15:40-41

40-Wu werese ta la du te wu cika engu de akpi wuh ta de wu Maria magdalina, Maria ni James de cuku’de de Joses ake Salome.

41-Wu werese la fa ta nganga na agbu Galilee de arek ngu te ngungu. Bi wu werese tate uwu koro ta de uwu agbu Yoreselema ne ta kpa ne kpala.

-Wu werese la ta de wu werese ta wuh le ngu me eyi, wu wu ta kpo ga Yesu de me muru kuwa.

#### Ni Tanga La Marko 15:42-46

42-Ata gbu ra ka rekete (ra birimgbo ka Sabbath). Baka te ra eti ne,

43-Yosefa ka Arimathea, baka mere kpara te wu wu engu kpo, ta kpa nga su ka me ne, fa ta anye mbolo fu Pilate ayi tata teka ko Yesu.

44-Pilate wu ta ga akpi eyi ne de. Fa ta ai wu mere bazengere ayi ta uwu te Yesu kpi eyi fanu la.

45-Te wu mala ta fefe ga adebu bala famu ne, fa ta ato koko fu Yosefa.

46-Fu Yosefa ta ase domuru, fa aza ko Yesu a ga agbu kofu na la fa amu di ati agbu mbuku agbu da, fa ta ani momo de momo de mere da.

-Yosefa ka Arimathea ta de mere kpara te di de wu e esaka ye gba awu ta kpo ga Yesu de. Me muru kuwa.

-Fu tanga ta te Yesu kpi eyi ne, fu Yosefa ta anu ye kpaka Pilate ayi ta ta teka a ti Yesu.

-Fu Yosefa ta anu ati ko Yesu agau mbuku ka da.

-Bu baka ta te me mala etu wu Nebi gugu ga muru kumuko ena ati Yesu maye ne, amere debu bala.

